

Mien - Daux Gaux Singx Nzung - WP Psalms

Singx Nzung 68:1 Tov Tin-Hungh jiez daaih, bun ninh nyei win-wangv nzaanx nzengc. Tov bun nzorng ninh wuov deix yiem ninh nyei wuov ndaangc maengx tiux biaux.

Singx Nzung 5:9,10 Win-wangv nyei nzuih maiv maaih zien waac. Ninh mbuo nyei hnyouv kungx oix zoux mietc. Ninh mbuo nyei jaang-hoh hnangv wetv tong nyei janx-daic zouv nor, ninh mbuo longc mbietc gorngv waac nduov mienh hnangv. 10 O Tin-Hungh aah! Tov dingc ninh mbuo nyei zuiz, bun ninh mbuo daav nyei za'eix hoic ninh mbuo ganh. Laaix ninh mbuo baamz nyei zuiz camv, zorqv ninh mbuo zunc cuotv mingh, weic zuqc ninh mbuo ngaengc meih.

Singx Nzung 11:6 Ninh oix zorqv zieqc jienv nyei douz-taanx caux hungh bungx njiec mienh waaic mienh gu'nguaaic, yaac bun nziaaux-jorm benx ninh mbuo nyei buonc.

Singx Nzung 18:14 Ninh buonv cuotv ninh nyei forng-cang zoux bun win-wangv nzaanx. Ninh borngz mba'lingc njapc njapc nyei, haeqv win-wangv lunc nzengc.

Singx Nzung 18:17 Ninh njoux yie biaux ndutv yie nyei henv haic nyei win-wangv caux nzorng yie wuov deix mienh, weic zuqc ninh mbuo gauh henv jiex yie.

Singx Nzung 18:39 Weic zuqc meih bun yie maaih qaqv mborqv jaax, meih bun daaih mborqv yie wuov deix zuqc yiem yie nyei buoz-ndiev.

Singx Nzung 18:45 Ganh fingx mienh hnyouv mau nzengc, sin zinx nyanh nyanh nyei yiem ninh mbuo wuonv nyei dorngx cuotv daaih.

Singx Nzung 27:11 O Ziouv aac, tov meih njiaaux yie yangh meih nyei jauv, yaac dorh yie gan jauv-baengh mingh, weic zuqc yie maaih win-wangv camv.

Singx Nzung 35:1-8 O Ziouv aac, caux yie doix-dekc nyei mienh, tov meih caux ninh mbuo doix-dekc. Caux yie mborqv jaax nyei mienh, tov meih caux ninh mbuo mborqv. 2 Tov nanv jienv domh torngv-baaih, fiuv-torngv-baaih daaih tengx yie. 3 Yaamh jiez cang caux mborqv jaax nyei bouv mborqv zunc yie wuov deix mienh. Tov meih caux yie nyei hnyouv gorngv waac, "Yie se dongh njoux meih wuov dauh." 4 Tov bun oix zorqv yie nyei maengc wuov deix zuqc nyaiv, zuqc baaic. Tov bun daav za'eix hoic yie wuov deix tuix nzuonx yaac zuqc nyaiv. 5 Tov bun ninh mbuo hnangv zuqc nziaaux buonc nyei mbieqv nor, maaih Ziouv nyei fin-mienh zunc jienv ninh mbuo mingh. 6 Tov bun ninh mbuo nyei jauv youc hmuangx youc mbiaangc, yaac maaih Ziouv nyei fin-mienh zunc ninh

mbuo. 7 Weic zuqc ninh mbuo zaeng mungz zorqv yie yaac maiv maaih gorn-baengx. Ninh mbuo yaac wetv kuotv ndo nyei oix zorqv yie nyei maengc, yaac maiv maaih gorn-baengx. 8 Ninh mbuo jangx maiv zaaic nyei ziangh hoc, tov bun ninh mbuo zuqc mietc, bun ninh mbuo zaeng nyei mungz hlopyv ninh mbuo ganh, yaac bun ninh mbuo ndortv njiec ninh mbuo ganh wetv nyei kuotv zuqc mietc.

Singx Nzung 52:5 Mv baac Tin-Hungh oix bun meih zuqc mietc taux yietc liuz. Ninh oix zorqv meih yiem ndopv-liuh gu'nyuoz ciev cuotv daaih. Ninh oix yiem yaangh gen baeng meih cuotv hnangv liemh nzungh baeng cuotv nor. Selaa

Singx Nzung 60:12 Yie mbuo kaux Tin-Hungh yie mbuo ziouc duqv hingh jlex. Se dongh ninh oix caav yie mbuo nyei win-wangv njiec.

Singx Nzung 66:3 Oix zuqc mbuox Tin-Hungh, "Meih zoux nyei sic za'gengh mbuoqc horng haic. Meih nyei qaqv henv haic, meih nyei win-wangv ziouc nyiemc faix aengx puoqv njiec meih nyei nza'hmien.

Singx Nzung 68:35 O Tin-Hungh aac, meih yiem meih nyei singx dinc za'gengh mbuoqc horng haic, se I^saa^laa^en nyei Tin-Hungh, ninh bun ninh nyei baeqc fingx maaih qaqv henv. Oix zuqc ceng Tin-Hungh.

Singx Nzung 70:1 O Tin-Hungh aah! Tov gaavv daaih njoux yie. O Ziouv aah! Tov siepv-siepv nyei tengx yie.

Singx Nzung 71:13 Tov bun yie nyei win-wangv zuqc nyaiv zuqc baaic nzengc. Tov bun lorj jauv hoic yie wuov deix baaic hmien diev nyaiv.

Singx Nzung 76:12 Ninh zatv jienv zoux hlo wuov deix nyei hnyouv, bun lungh ndiev nyei hungh diex gamh nziex ninh.

Singx Nzung 118:10 Maanc quoqv nyei mienh weih gormx yie. Yie dengv Ziouv nyei mbuox mietc ninh mbuo.

Singx Nzung 118:12 Ninh mbuo hnangv mueiz nor, weih gormx yie. Ninh mbuo hnangv buov njimv-lomc nyei douz daic siepv. Yie dengv Ziouv nyei mbuox mietc ninh mbuo.

Singx Nzung 149:8,9 weic zorgv ninh mbuo nyei hungh ndoh jienv, yaac longc hlieqv-limc ndoh ninh mbuo zoux hlo nyei mienh, 9 weic zoux ziangx ziux fiev jienv oix hnangv haaix nor dingc ninh mbuo nyei zuiz. Naaiv se Tin-Hungh nyei yietc zungv baeqc fingx duqv nyei njang-laangc. Oix zuqc ceng Ziouv.